

FBI a yega Aruba pa yuda busca mucha muher perdi

Abo a mira Natalee Holloway riba Diluna madruga?



ORANJESTAD (AAN): Ta di spera cu nada a pasa cu e mucha muher Mericano aki, kende pa ultimo biaha a worde señala na Carlos. 'n Charlie's riba e anochi di Diadomingo pa Dialuna.

Pa Soul Beach Music Festival, un fluho grandi di turista a yega Aruba procedente di Merca. Entre nan tin un grupo grandi di 144 College Girls for di Birmingham, Alabama. Desde Diahuebs 26 di Mei, nan a yega Aruba y ta hospeda na Holiday Inn SunSpree Resort.

Entre e mucha muhernan di College aki, tin Natalee Holloway tambe. El a nace na Merca dia 21 di October 1986, pues e tin 18 aña di edad.

E grupo a keda uni y a goza di tur concierto di Soul Beach Music Festival, specialmente e anochi di Boys II Men.

Despues di concierto, nan a bay Carlos 'n Charlie's. Alrededor di 1:30'or di madruga, nan a mire subi un vehiculo color shinishi, y nan no sa si ta trata aki di un Honda.

Pero desde e marduga ey, Natalee no a raporta mas cerca e grupo. Esaki a trece preocupacion basta grandi cerca coleganan y tambe a worde reporta na su famia di loke a tuma lugar.

Mesora e famia a percura pa viaha rumbo Aruba den un jet y tambe segun informe a pone FBI tambe na altura di desaparicion di nan ser keri.

Mientras tanto autoridad local a forma un Team Special pa busca y compila delaster informacion riba e caso aki.

DIARIO a haya sa, cu algun Special Agent di FBI kendenan a acompaña e famia pa Aruba, tambe ta dunando nan cooperacion na Recherche local.

Autoridad local ta trahando



Un potret saca riba beach di Surfside.

pa check unda cu tin camera instala den area di Weststraat of na e clubnan nocturno, pa revisa e grabacionnan pa por haya un claridad. Nan kier sa, den compania di kende Natalee tabata den e Club of pafor.

Pesey mes, awe DIARIO ta

publica e potretnan aki. Si abo por a mira e mucha muher aki e madruga ey, bo por contact autoridad pa divulga cu kende bo a mire.

E potret aki mes ta muestra ki tipo di paña e tabatin bisti e Diadomingo anochi ey pa Dialuna madruga.

Cualquier persona cu a wak Natalee Holloway of sa, a tende algo pa reporta mesora yamando 100 of Warda di Recherche na Bubali 86-B, cu e number di telefon 587-622 tambe por tuma contacto cu sr. Alberto na su Cell 567-2159.